

**Studentski klub Iudex****viši asst. Harun Išerić**

Sarajevo, 08.09.2022. godine

U skladu sa Odlukom Nastavno-naučnog vijeća Fakulteta o učešću studenata na takmičenjima (od 15.01.2020. godine; dalje: Odluka), Univerzitet u Sarajevu – Pravni fakultet (dalje: Fakultet) objavljuje

J A V N I P O Z I V
ZA UČEŠĆE U XVII REGIONAL MOOT COURT COMPETITION -
TAKMIČENJE U SIMULACIJI SUĐENJA PRED EVROPSKIM SUDOM ZA
LJUDSKA PRAVA

Regional Moot Court Competition (dalje: Takmičenje) je jedno od najprestižnijih takmičenja iz ljudskih prava u Evropi i vodeće takmičenje za pravne fakultet u regionu Zapadnog Balkana. Kontinuirano ga već 16 godina organizuje švedska nevladina organizacija Civil Rights Defenders. Takmičenje okuplja 12 pravnih fakulteta sa područja bivše Jugoslavije i Albanije. Ono se sastoji iz dva dijela: pismenog i usmenog, a podrazumijeva simulaciju postupka pred Evropskim sudom za ljudska prava. Pobjednik Takmičenja se susreće sa pobjednikom sestrinskog takmičenja za pravne fakultete nordijskih država, na Trans-European Moot Court Competition (u sudnici Evropskog suda za ljudska prava, u Strasbourgu/Francuska).

Fakultet kontinuirano učestvuje na Takmičenju, te je 2021. godine ostvario svoj najbolji uspjeh, pobjedivši prvo na XV Regional Moot Court Competition, a potom i na VIII Trans-European Moot Court Competition. Temeljem ostvarenog uspjeha, studenti su dobili finansijske nagrade, te su lični prijem za njih upriličili: članovi Predsjedništva BiH, premijeri Federacije BiH i Kantona Sarajevo, članovi Vlade Kantona Sarajevo, predsjedavajući Predstavničkog doma Parlamentarne skupštine BiH, gradonačelnica Sarajevo itd.

PRAVA I OBAVEZE TAKMIČARA?

Studentski klub Fakulteta koji učestvuje na Takmičenju, čini minimalno četiri člana, a najviše osam. **Prava i obaveze** takmičara su uređena Odlukom, koja je dostupna na web stranici Fakulteta → <https://www.pfsa.unsa.ba/pf/wp-content/uploads/2020/02/Odluka-o-u%C4%8de%C5%A1%C4%87u-studenata-na-takmi%C4%8denjima.pdf>.

O pravima i obavezama će se detaljnije razgovarati na informativnom času ➡

**KO SE MOŽE PRIJAVITI I KAKO SE PRIJAVITI?**

Od potencijalnih takmičara se očekuje da poznaju engleski jezik; da imaju bazična znanja o ljudskim pravima i bazične vještine javnog nastupa. Nužno je da se radi o studentima III ili IV godine I ciklusa studija ili II ciklusa studija, koji su posvećeni timskom radu i izvršenju preuzetih obaveza. Izuzetno, takmičar može biti i student II godine I ciklusa studija.

Prijave za učešće na XVII Takmičenju se sastoje od slijedećeg:

- 1) Biografija,
- 2) Informacija o poznavanju engleskog jezika,
- 3) Informacija o eventualnom učešću u dosadašnjim vannastavnim aktivnostima, posebno onim posvećenim ljudskim pravima te javnom nastupu.

Prijava se dostavlja u jednom dokumentu, sa nazivom: IME_PREZIME_PRIJAVA. Ona se dostavlja na email adresu višeg asistenta i trenera, Haruna Išerića: h.iseric@pfsa.unsa.ba. Na istu email adresu zainteresovani studenti mogu poslati svoja pitanja.

Rok za dostavljanje prijave je: 15. oktobra 2022. godine, do 16,00 sati.

INFORMATIVNI ČAS

Informativni čas posvećen Takmičenju, odgovaranju na pitanja i nedoumice, te razgovoru sa bivšim takmičarima, održat će se 10. oktobra 2022. godine, u 14,15 sati, u sali IV godine studija. Radi organizacije informativnog časa (a posebno jer datum i satnica, te mjesto mogu biti promijenjeni), potrebno je poslati prijavu o prisustvu, koja sadrži ime i prezime te godinu studija na email adresu: h.iseric@pfsa.unsa.ba, do 09. oktobra, do 10,00 sati.

Potičemo zainteresovane studente da učestvuju u realizaciji informativnog časa, te se detaljnije informišu o Takmičenju i njegovim prednostima i koristima za takmičare.